



Uunga:

Inatsisartunut ilaasortaq Andreas Uldum
C/O Inatsisartut Allattoqarfiat

§ 37 naapertorlugu apeqqummut nr. 2014-160-imut akissut

13. august 2014
Suliap normua 2014-102506
Allakkap normua 1662705

Nunatsinni inuit pisinnaatitaaffiisa qularnaarneqarnissaat Naalakkersuisut eqqumaffigisorujussuaat. Taamaattumik Institut for Menneskerettigheder-ip aamma Kalaallit Nunaanni inuit pisinnaatitaaffii pillugit Siunnersuisoqatigiit killiffik pillugu nalunaarusiaat atugassaqqilluinnarpoq, tassani suliassaqarfiit sorliit inuit pisinnaatitaaffiinik suliaqarnermi pingaarutilittut sammeneqarnissaat erseqqissaatigineqarmat.

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Suliarli tamanna piffissaqarfigisariaqarpoq, suliarinnittussaqaqtariaqarluni sukumiisumillu isumagisariaqarluni. Taamaattumik nalunaarusiaq Naalakkersuisuni misissuleruttorparput kaammattuutillu sorliit salliutinneqassanersut naliliiffigalugit. Tamatumunnga peqatigittillugu kaammattuutit ilaat arlallit pillugit sulinerup aallartinneqareernissaasa siunertarineqarnissaa pingaaruteqarpoq. Assersuutigalugu Haagerimi meeqqat illersorneqarnissaat pillugu isumaqatigiissutip atuutsilerneqarnissaa, kiisalu angajoqqaatut akisussaassuseqarneq pillugu inatsisip Kalaallit Nunaannut atuutsilerneqarnissaa Naalakkersuisut Siulittaasuata UKA 2014-imi siunnersuutigerusuppa, taaneqartoq kingulleq meeqqanik timikkut pillaaasinnaatitaanerup atorunnaarsivinneqarnissaanik imaqarpoq.

Institut for Menneskerettigheder aamma Kalaallit Nunaanni inuit pisinnaatitaaffii pillugit Siunnersuisoqatigiit killiffik pillugu nalunaarusiaat 2014-ip qiteqqunnerani saqqummerpoq. Taamaattumik nassuiaammik ujartukkannik suliaqarnissamat Naalakkersuisut maanna periarfissaqanngillat. Sulinerli aallartereerpoq nalunaarusiarlu Kalaallit Nunaanni innuttaasut inuttut pisinnaatitaaffiinik pitsanngorsaanissamat atorneqarumaarluni.

Inussiarnersumik inuulluaqqusillunga


Martha Lund Olsen